

با الأحزان با الأحزان ننعى غريب الأوطان

والليل أظلم والحزن سرباله
وطيف الكمر من سطوته يغتاله
يمطر ألم مو بس دمع يتلالي
والكون تايه والله يعلم حاله

جفَّ الوردُ والدنيا مجروحه بثار
منجل غدر يحصد سنابل لعمار
وغيم الشجى يمشي اعلى ريح الأكدار
حتى الزمن عن دورته ظل محتار

للمظلوم للمسوم سليل الدمع بالأجفان

والدمعه ما جفت على ساح الخد
واعلى الألم والحسره هم نتوسد
صارت ملامح كل طفل مثل الجد
كل طعنه من رُمح البعد تتجدد

مات الحلم والبسمه ماتت وياه
نفرش كلبنا أجروح والضيم أغطاه
غصن العمر يابس ولا حد رواءه
وطعم الهجر ما ظن أحدنا ينساه

مانرتاح وبس لجراح تبغى بعمرنا نيشان

من سفرتك بس ليها يمتى ترجع
مو بالفرح لكن بفيض المدمع
وطعنة غيابك في الضماير تلسع
وحتى الكلب دگاته صارت توجع

يا راحل وعن عيلته راح ابعيد
ترقب رجوعك مثل ما يلفي العيد
تدري الألم كل ماله فينا ويزيد
خاطرنا ذابل والنفس بس تنهيد

نترجباك وحب عيناك تاخذنا بين الأحضان

نور العرش لو جنة الله الكبرى
يخرس لساني ويحجي فيض العبره
وخيره على كل البرايا أجرى
محمول بالتكبير ويا الحسره

فوك النعش ما ندري منهو المحمول
منظر نهار بوصفه بالله شنگول
هذا الجواد اللي سلب كل لعقول
نعشه على أكتاف أحبابه يجول

وبالتهائل دمع يسيل يندب سليل الإيمان